



basic education

Department:
Basic Education
REPUBLIC OF SOUTH AFRICA

**DITŠHUPATSELA TŠA GO RUTA LE GO NGWALA
DITAODIŠO LE DINGWALWANA TŠA TIRIŠANO**

SEPEDI

**LELEME LA GAE
LELEMETLALELETŠO LA PELE
LELEMETLALELETŠO LA BOBEDI**

KREITI YA 10-12

2010

Dikagare

MOHUTA WA SENGWALWA	LETLAKALA
1. MORERO	3
2. DIKGATO TŠA GO NGWALA	3
3. MEHUTA YA DITAODIŠO	5
3.1 Taodišokanego	6
3.2 Taodišotlhalošo	6
3.3 Taodišo ya go tšweletša dikgopoloo	6
3.4 Taodišongangišano	6
3.5 Taodišokahlaahlo	7
3.6 Taodišokakanywa(kgadimo)	7
4. DINGWALWANA TŠE TELELE	9
4.1 Lengwalo La Segwera	9
4.2 Lengwalo La Semmušo	10
4.3 Memorantamo	11
4.4 Lenaneothero le metsotsos	13
4.5 Athikele ya kuranta	14
4.6 Dikholomo tša dikuuranta	16
4.7 Lengwalo la go ya go Morulaganyi wa Kuranta	18
4.8 Lengwalo la go tšwa go Morulaganyi: Phošollofoko	20
4.9 Ditshwayotshwayo	21
4.10 Boitsebišophelo	23
4.11 Bophelo bja mohu	25
4.12 Proutšhara	26
4.13 Dipotšišotherišano/Dipotšišinyakišišo	28
4.14 Poledišano ya go ngwalwa	29
4.15 Polelo ya go ngwalwa	30
4.16 Pego ya go ngwalwa (ya semmušo)	31
5. DINGWALWANA TŠE KOPANA	33
5.1 Pukutšatši	33
5.2 Poskarata	35
5.3 Papatšo	35
5.4 Maphephetsebiši	37
5.5 Phoustara/ Postara	37
5.6 Ditšhupetšo	39
5.7 Ditaelo	40
5.8 Karata ya Taletšo / Memo	40
5.9 Go tlatsa diforomo	42

1. MORERO


Sengwalwa se, se tšweletša tlhalošo ye kopana ya tshepetšo ya go ngwala le go abelana ka maele le mehlala ya mehuta ye e fapanego ya ditaodišo le dingwalwana tša tirišano. Go rutwa ga dingwalwa tše, go tla kgontšha baithut go ngwala le go hlagiša.

Sengwalwa se, se e ka šomišwa ke barutiši le baithuti ba Sepedi Leleme la Gae, Lelemetlaleletšo la Pele le Lelemetlaleletšo la Bobedi.

2. DIKGATO TŠA GO NGWALA

- Go ngwala le go rulaganya dingwalwa ke modiro wo o dirwago ka dikgato. Go bohlokwa go fa baithuti sebaka sa gore ba phethagatše dikgato tše ka moka ge ba ngwala. Ba swanetše:
- Go tšea sephetho ka hlogo, morero le baamogedi ba tshedimošo ba setšweletšwa seo se tlo go ngwalwa goba go rulaganywa.
- Go abelana dikgopoloo ba šomiša, mohlala, dithalwasenaganwa, dikaratapapetla tša tatelano ya ditaba, lenaneo la mantšu a bohlokwa
- Go etela methopo ya maleba, go kgetha tshedimošo ya maleba le go beakanya dikgopoloo.
- Go tšweletša sengwalwakakanywa sa mathomo seo se hlokomelago: Morero, baamogedi ba tshedimošo, hlogo, dingwalwa.
- Go bala sengwalwakakanywa sa mathomo ka tsenelelo gomme wa hwetša pegelo go ba bangwe (baithutimmogo, barutiši, maloko a lapa)
- Go tšweletša dingwalwakakanywa tše ntši ka fao go nyakegago poeletšo (go ya ka pego) go bala o ntšha diphošo le go rulaganya dingwalwakakanywa.
- Go tšweletša dingwalwakakanywa tša maemo tše di rulagantšwego gabotse.
- Dithaka/baithutammogo ba gadima le go lekola setšweletšwa sa mafelelo ka noši le barutiši.
- Go hlagiša ditšweletšwa tša mafelelo ka go abelana le dithaka, barutiši, batswadi le batšeakarolo ba bangwe.

Mohlala wa mmepe wa monagano



3. MEHUTA YA DITAODIŠO

3.1 Taodišokanego

Taodišo ya go anega e laodiša kanegeloi goba go laodiša tiragalo yeo e fetilego. E ka ngwalwa go tšwa lehlakoreng le lengwe le lengwe.

Dihlogo tša mehlala še di:

Re bile le nako ye botse kudu. Go be go na le dijo tše bose, mmino o bose le segwera se se kgahlišago. Morago ga lebakanyana go ile gwa ba tšišinyego ya lefase. Ngwala ka tiragalo ye. Kanegelo ye kaone yeo makgolo a mpoditšego yona.

Hlokomela tše di latelago ge o ngwala taodišo ya go anega:

- Kanegelo e swanetše go kgodiša le ge e theilwe godimo ga dinonwane. Taodišo ya kanegelo gantsi e ngwalwa ka lebaka leo le fitlego. Ditemana tša matseno di swanetše go tanya šedi ya mmadi. Kanegelo ye botse gantsi e ba le ntsha yeo e e laetšago. Thumo ye e sa tlwaelegago ya go kgahliša e noša a mokgako/kgotsofatša.
- Kgahlego ya mmadi e swanetše go lotwa go fihla mafelelong. Setaele, ditlabakelo tša makgethe le ditiro di swanetše go thewa godimo ga kgahlego. Kanegelo ye e atlegilego e tsošološa dikwi tše bjalo ka go bona, modumo, tatšo, monkgo le dikwi tša go kgwatha.
- se lebale gore taodišo ya go anega gantsi e na le mokgwa wa go hlaloša.

3.2 Taodišotlhalošo

Ka taodišong ya go hlaloša, mongwadi o hlaloša se sengwe gore mmadi a kgone go itemogela hlogo yeo go hlalošwago ka yona. Yo mongwe goba se sengwe se ka hlalošwa.

Dihlogo tša mehlala šedi:

Phaphoši ya boletelo bja ngaka ya go ntsha meno. Hlaloša maikutlo a gago le dikgopololo.
Hlaloša bošego bja ledimo.

Hlokomela tše di latelago ge go ngwalwa taodišo ya tlhalošo:

- Mongwadi o swanetše go hlagiša seswantšho ka mantšu.
- Kgetha mantšu le dikgopololo ka tlhokomelo gore o fihlelele seo se nyakegago.
- Dikakanyo mabapi le go bona, modumo, go kwa , tatso le go kgwatha di ka šomišwa go dira gore tlhalošo e kwešišege.

- Šomiša dikapolelo ka tsela ya maleba.
- Kgetha hlogo yeo o nago le boitemogelo ka yona. Go bothata go hlaloša selo seo o se nago tsebo ka sona.

3.3 Taodišo ya go tšweletša dikgopololo

Taodišo ye, e tšweletša dikgopololo le tshedimošo ka tsela ye e kwešišegago. Ye ke taodišo ya go fa dintlha moo mongwadi a hlathollago dikgopololo goba go fa dintlha ka thulaganyo. Taodišo ya go tšweletša dikgopololo ke yeo e nyakišišwago gomme dikgopololo tša kgonthišišwa ka mokgwa wa go fa dintlha goba dipalopalo.

Dihlogo tša mehlala šedi:

Batho ba go feta sekete ba bolawa dikotsing tša mebileng nakong ya maikhutšo a kgwedi ya Desemere/Manthole. Mokgwa wo mošoro wa go bolaya batho ba bantši o ka fedišwa bjang mo mebileng ya rena. Bolela ka fao o ka kgoboketšago tšelete ya go dira moletlo wa go laelana le baithuti ba kreiti ya lesomepedi.

Hlokombela tše di latelago ge go ngwalwa taodišo ya go tšweletša dikgopololo:

- Kwešišo ya maleba ya hlogo e a nyakega.
- Nyakišišo ye botse e bohlokwa ka gore disetatamente di swanetše go thekgwa ka dintlha ka ge mmadi a se na le kwešišo ye itšego ya hlogo. Mongwadi o swanetše go fa tlhalošo ya mareo ao a sa tlwaellegago.
- Dikgopololo di swanetše go beakanywa ka kwešišego go thuša mmadi go tloga go seo a se kwešišago go ya go seo a sa se kwešišego.

3.4 Taodišongangišano

Ka taodišo ya ngangišano mongwadi o na le kgopololo ye itšego goba ntihakemo. Mongwadi o fa dintlha tša go fahlela goba go thekga maemo a gagwe. Kgopololo ya mongwadi e swanetše go kwešišega kanelong ka moka ga yona.

Ye ke taodišo yeo e nago le maikutlo a mongwadi fao a lekago go kgodiša/ fekeetša mmadi gore a kwane le yena kgopolong ya gagwe.

Dihlogo tša mehlala še di:

Makgonikakanywa a telebišene. O a dumela?

Bokamoso bja Afrika Borwa bo ikeme ka babeleletši ba ntle. Efa dikgopololo tša gago.

Hlokombela tše di latelago ge go ngwalwa taodišo ngangišano:

- Thoma taodišo ka go laetša kgopololo ya gago ka tsela ya tlhago le matlakgogedi mabapi le hlogo.
- Efa mohlwaela wa dintlha tša go fahlelela kgopololo ya gago le go thekga seo.

- Mongwadi o tlo tsepelela go dintlha tša go ganetša setatamente.
- Taodišongangišano e ka ba le maikutlo a mongwadi gomme seo sa dira gore go tšweletšwe dikgopolo tše maatla
- Mehuta ya ditlabakelo tša makgethe le botsebi bja go kgodiša di swanetše go šomišwa.
- Polelo ye e šomišitšwego e tlo emiša maikutlo a babadi le go hlohla maikutlo a bona eupša e se be ye mpe.
- Thumo e swanetše go ba ye maatla, kwagalago le go kgodiša seo e le setatamente sa go laetša kgopolo ya mongwadi.

Comment [M1]: Not clear

3.5 Taodišokahlaahlo

Taodišokahlaahlo ga e na maikutlo a mongwadi, yona e leka go tšweletša mahlakori a mabedi a poledišano ka go lekana. Mongwadi o hlokoma dintlha tša go fapano tša hlogo yeo a bolelago ka yona gomme a hlagiša dikgopolo tša go fapano ntle le go tsea lehlakori. Mongwadi a ka ba le thumo ye itšego mafelelong a taodišo, eupša dintlha tša go thekga goba tša go ganetša di swanetše go lekalekana le go kwagala mo taodišong.

Dihlogo tša mehlala še di:

Ngwala taodišo yeo ka yona o thekgago ebole o ganetšago mo go tseneletšego. Baithuti ba swanetše go ikgethela dipuku tša bona tša go bala tše di kgethetšwego dikreiti tša bona. Ahlaahla setatamente se o lebeletše mahlakori a sona a mabedi.

Hlokoma tše di latelago ge go ngwalwa taodišokahlaahlo:

- Mongwadi o swanetše go kwešiša le go kgona go lebelediša mahlakori a mabedi a poledišano ka tsela ya go se tsee lehlakori le go ba le tshedimošo ya maleba.
- Taodišo e swanetše go kwagala le go ikema ka dintlha, seo se ra gore e se huetšwe ke maikutlo a mongwadi.
- Ditatamente e be tša moyo wo o fodilego, tša go naganwa gabotse le go thekgwa ka tshwanelo.
- Segalo e be sa go hloka khuduego eupša e be seo se kgodišago ntle le go ba le lenyatšo.
- Mongwadi a ka fa maikutlo a gagwe mafelelong a taodišo, eupša seo e be thumo ya taodišo.

3.6 Taodišokakanywa (kgadimo)

Mo go taodišokakanywa, mongwadi o akanya kgopolo gomme a tšweletša maikutlo a gagwe go ya ka fao a gopolago ka gona; go fa mohlala, mongwadi a ka gopodiša ka ditiro goba dikganyogo tša gagwe.

Mehlala ya dihlogo tša taodišokakanywa (kgadimo)

Ke ka mokgwa woo ke gopolago morutiši yo mo kaone ke bilego naye;
Efa dikgopololo tša gago mabapi le bophelo o be o laetše ka fao go swanetšego go phelwa ka gona.

Hlokomela tše di latelago ge go ngwalwa taodišokakanywa (kgadimo):

- Taodišokakanywa (kgadimo) e ba le khuetšo ya maikutlo a mongwadi.
- Maikutlo le khuduego di tšeа karolo ye kgolo.
- Karolo ye kgolo ya taodišo e ka ba tlhalošo.
- Ditlhalošo di swanetše go kwagala di be di ikemišetše go tsošološa maikutlo a mongwadi mo go mmadi.
- Dikgopololo/menagano/maikutlo ao a hlagišwago a swanetše go tšweletša bonnete le bo yena bja gagwe.

4. DINGWALWANA TŠE TELELE

Mehuta ya ditšweletšwa tša tirišano tše baithuti ba swanetšego go di ngwala ke tše di latelago:

4.1 LENGWALO LA SEGWERA

- Lengwalo le swanetše go tloga le laetša gore mongwadi o tsebana le go tlwaelana le moamogedi.
- Maikemišetšo a lengwalo a swanetše go tšweletša polelo ye e hlohleletšago le go kgopela.
- Retšistara le segalo e be tše di fodilego.
- Lengwalo le laetše tše di latelago:
 - Sebopego le botelele tša maleba.
 - Aterese ya mongwadi/ moromedi
 - Madume/ matseno
 - Mafetšo a maleba "Motlogolo wa lena/ Wa lena".....le leina.

Mahoai High School
Private Bag x 18
Bakone
0742
19 June 2009

Hunadi

Ke leboga go hlolwa ka mogala mmane. Ke leboga le mantšu a tlhohleletšo a gore ke hlokomele mošomo wa sekolo ka ge kgotlelelo e tswala katlego. Ke be ke ratile go le botša tabanyana ye nngwe maloba ge le be le founne bjale ka tšhaba. Ke bona go le kaone ge nka le hhalosetša ka lengwalo.

Mmane, mo sekolong sa gešo go tlo ba le moletlwana wa go laelana le baithuti ba Kreiti 12. Bjale ka ge ke le yo mongwe wa bona, le nna ke be ke ratile go swana le baithuti ba bangwe ka go tsenela moletlo woo.

Ka boikokobetšo ke kgopela tše di latelago gore ke kgone go tše karolo ka seriti. Borokgo bja Guess Jeans, bjona bo hwetšwa lebenkeleng la

Edgars, dieta tša Ape, di hwetšwa ga *Tony's Crib*, sekhipha sa Ed Hardy sona se hwetšwa *Ed Hardy Stores*. Ge e le borokgwana bja ka gare le masokisi le ka no di reka *Edgars* goba go gongwe le go gongwe mo le ka hwetšago di rekega, ga di tshwenye. Ke sa lebale le phefumu ye e bitšwago Endangered, le yona e hwetšwa *Edgars*.

Nka thaba kudu ge le ka nthomela tšona pele ga mafelelo a kgwedi ye.

Motlogolo wa lena
Tshwarelo

4.2 LENGWALO LA SEMMUŠO

Lengwalo le laetše tše latelago:

- Retšistara le segalo e be tše di fodilego, tša semmušo
 - Sebopego le botelele tša maleba.
 - Aterese ya mongwadi/ moromedi
 - Aterese ya moamogedi/ moromelwa
 - Madume/ matseno le hlogo ya taba
 - Tšhomisopolelo, tlrtlontšu le maswaodikga e be tša maleba
 - Mafelelo/ bofelo le leina:
Ka boikokobetšo
Wa lena
Nkadimeng J.M (moh)

Potšišo: Ngwalela khamphani ya tša mmino gomme o kgopele mošomo wa go rekiša wo o bapaditšwego kuranteng ya 'Sunday Times'.

Mohlala wa lengwalo la go kgopela mošomo

P O Box 19
KAMMELDRIFT
1958
18 Janaware
2009

Mookamedi
Music Lounge Store
Shop 123
Sandton
1051

Mohlomphegi

KGOPELO YA SEKGOBA SA MOREKIŠI:

Ke badile papatšo ya lena go tšwa go "Sunday Times" ya letšatši la 13 Janaware 2009, bjale ke rata go kgopela mošomo wo.

Ke sa tšwetša dithuto tša ka pele bjalo ka mothuti wa nakwana, eupša ke hloka mošomo gore ke kgone go ba le seabo ka go tlaleletša letseno la ka gae gobane tate o šoma a le tee, gomme baratho ba ka le bona ba lebeletše o yena. Ke a le tshepiša gore ke mofsa wa mafolofolo kudu yo a tlogo tšwelela le go tšweletša khamphani pele ge le ka mpha sebaka sa go laetša mabokgoni a ka.

Gare ga bagwera baka ke tumile kudu ka bokgoni bja tša mmino, ebole ke na le tshepo ya gore ke tla phunyeletša le go thopa sefoka ka go rekiša lebenkeleng la lena. Dithuto tšaka di ka se mpalediše go tlo tsenela dipolelotherišano ge go ka direga gore le mpitše ka nako ya dithuto. Ke gona ka nako tšohle.

Ke romela boitsebišophelo bjo bo kopana go ka ntseba bokaone, le dinomoro tša mogala gore le kgone go ka ikgokaganya le nna ge go hlokega.

Ke leboga ge le ile la amogela kgopelo ya ka.

Ka boikokobetšo
Wa lena
Nkadimeng JM (Moh).

4.3 MEMORANTAMO

Memorantamo ke lengwalo la poledišano le le šomišwago mafelong ao batho e lego sehlophana, dikhamphaning, difemeng bj bj. Mohola wa wona ke go fetiša molaetša goba go kgokaganya. O ka šomišwa go romela tsebišo, go ntšha dingongorego goba go tlhohleletša batho ba mokgatlo o tee.

Dintlha tše bohlokwa ka gare ga memorantamo

- Leina la mokgahlo, khamphani, bj bj.
- Memorantamo o tšwa kae?
- O ya kae?
- Letšatšikgwedi
- Nomoro ya faele
- Hlogo
- Molaetša
- Tlhohleletšo
- Tšišinyo / tharollo
- Mesaeno

Mohlala wa memorantamo wa ka gare

LEINA LA SEKOLO: SEKOLO SE SE PHAGAMEGO SA TŠWELOPEL:

O tšwa go	: Hlogo ya sekolo
O ya go	: Barutiši ka moka
Letšatšikgwedi	: 18 Meyi 2009
Nomoro ya faele	: 18/05/2009/02
Hlogo	: MOLETLO WA GO FA DIFOKA

Molaetša: Barutiši le baithuti ba tsebišwa ka ga moletlo wa go aba difoka.

Tlhohleletšo:

Dipoelo tša mathomo tša Kharikhulamo ya Bosetšhaba tša 2008, di ile fase kudu ge di bapetšwa le tša mengwaga ya go feta le ge e be e le tša Kharikhulamo ya kgale. Kopanong kgothekgothe ya mathomo a ngwaga ya 2009, go ile gwa kwanwa ka gore re swanetše go dira gore dipoelo tša ngwaga wo di kaonafale le gore palo ya baithuti bao ba yago Yunibesithi ngwaga wo o tlago e oketšege. Ka fao re humane tsela ya go hlohleletša baithuti bao ba šomago gabotse go ba fa difoka gore morero o phethagatšwee.

Re hweditše dimpho go tšwa go ye nngwe ya dikhamphani tša kgauswi, eupša re sa dira dikgopelo go lena go thuša ka moo le ka kgonago ka go fana ka dimpho moletlong wo. Bao ba swerego tšeob a nyakago go fana ka tšona ba ka di romela sekolong.

Tšišinyo/ Tharollo:

Re be re akanya go swara moletlo wo wa go fa difoka ka la 30 i(Ngwatobošego/Moranang) 2009, gomme re kgopela batho gore ba tšwe lesolo la go kgopela dimpho dikhamphaning tše dingwe go lokišetša letšatši le.

Mosaeno: P.P Maake (Hlogo ya sekolo
P.P Maake

Mongwaledi: SK Pete
SK Pete

Potšišo: Bjalo ka hlogo ya sekolo, ngwalela barutiši ba sekolo sa lena **memorantamo** mabapi le moletlo wa go fa baithuti difoka go ya le ka moo le kwanego ka gona go hlohleletša le go kaonafatša dipelo tša Mphato wa Marematlou tša 2009.

4.4 LENANEOTHERO LE METSOTSO

Sebopego:

- Letšatšikgwedi, nako, le lefelo la kopano
- Pulo le kamogelo
- Maloko ao a tlilego le bao ba kgopetšego tshwarelo
- Palo le kamogelo ya metsotso ya kopano ya go feta
- Ditšwametsotsong.
- Taba ya letšatši
- Letšatši la kopano ye e latelago
- Tswalelo.

Mohlala wa lenaneothero le metsotso

1. Pulo le kamogelo

Mna Thobela o butše ka thapelo gomme a amogela bao ba lego gona ka moka. A ba tlhohleletša gore ba tšee karolo mo kopanong.

2 Bao ba lego gona kopanong

Mna Thobela (Modulasetulo) Mna Tau (Mongwaledi), Moh.Kobela (Mongwaledi), Mna Shomang (Moswaramatlotlo) le Moh. Pitsi (leloko).

3 Bao ba sa kgonago go tla kopanong

Batho ba ba latelago ba rometše mabaka a gore ba ka se kgone go fihla kopanong: Moh. Nkwe, Mna Tsela, Mna Selete. Mna Sawane ga se a romela lebaka.

4. Go balwa metsotso ya kopano ya go feta

Mongwaledi o bala metsotso ya kopano ya go feta:

5. Tše di tšwelelago metsotsong ye e badilwego

Ga gona mathata ka metsotso ya kopano ya go feta. Metsotso ile ya amogelwa.

6 Taba ya letšatši (Tše di nyakago go ahlaahlwa):

6.1 **Lefelo** leo moletlo wa mafelolo a ngwaga wa baithuti o tlilego go swarelwa gona. Go dumelanelwe gore moletlo o tlo swarelwa sekolong. Moh. Nkwe le Mohumagatšana Pitsi ba tla netefatša gore sekolo se kgabišitšwe ka letšatši leo.

6.2 **Dijo**

Baithuti ba tla lefela R50.00 yeo e tla šomišwago go reka dijo.

6.3 Lenaneo la letšatši

Mna Thobela le Mna Tau ba kgopetšwe go lokiša lenaneo la moletlo.

7. Tše dingwe

Go dumelanelwe gore baithuti ba apare diaparo tša sekolo ka letšatši la moletlo. Batswadi ba tla romelwa mangwalo a taletšo.

8. Tšatšikgwedi ya kopano ye e latelago

Kopano ye e latelago e tla swarwa ka la 13 Setemere 2009.

9. Tswalelo

Mna Tau o tswaletše kopano ka thapelo.

Potsišo: Sekolo sa lena se tlile go swara moletlo wa go laelana le baithuti ba Mphato wa Marematlou pele ngwaga o fela. Bjale, wena o yo mongwe wa leloko la komiti leo le swaranego le ditokišetšo tše. Re ngwalele **metsotso** yeo e nago le **lenaneothero** ya kopano ya lena le maloko a mangwe a komiti go tšwetša pele morero.

4.5 ATHIKELE

E laetša tše di latelago:

- Hlogo ya taba yeo e begelago babadi ka seo se anegwago.
- Hlogo ya taba e be yeo e gogago mahlo a babadi.
- Go be le dihlogo tša dikgopolotlaleletšo le temana yeo e hlahlago le go godiša kgahlego go hlatholla kanegelokgolo.
- Kanegelo e tšweletšwe ka ditemana tše pedi goba tše tharo tše kopana.
- Ditemana tše dingwe di hlaloše diteng, mola tše dingwe di hlaloša ditaba tša bokamorago.
- Tsopolwa goba tšišinyo e ka šomišwa bjalo ka temana ya mafelelo ya gotswalela.
- Polelo e be ye e tsošago maikutlo le go hlohleletša.
- Mafelelong efa ka bottlalo leina le boitsebišo bja motho yo a ka kgokaganywago go ka fa ditaba ka bottlalo ge go hlokega.

Sebopego

- Sowetan, Laboraro, Aporele 26 2009
- Hlogo. **BAFSA BA LEHONO BA LESÀ DIHLONG!**
- Pego ka: Lehlokwalatsela Ntshebele

Comment [M2]: Not clear

Diteng di tšweletše tše di latelago:

- Ditemana di tšweletše ka diripa tše tharo:
 - Matseno a tšweletše bothata
 - Mmele o tšweletše kgodišo ya bothata
 - Thumo e akaretše bothata gomme e tliše tharollo le ditšhišinyo
- Segalo ke se se fodilego
- Retšistara e be ya maleba
- Ditaba e be tša nnete.

Mohlala wa potšišo

Ngwalela kuranta ya geno **athikele** mabapi le maitshwaro a bafsa ao a sa lešego di welago, mola re be re ba lebeletše bjalo ka baetapele ba bosasa.

Mohlala 1: Athikele

Soweton, Laboraro, Nofemere 26 2009	
BAFSA BA LEHONO BA LEŠA DIHLONG!! Pego ka : Lehlokwalatsela Ntshebele Afrika-Borwa e na le ditlhlotlo ge go lebeletše bafsa bao ba tšwago taolong ka mehla. Sebakeng sa go kaonafala, letšatši le letšatši re humana ditlhlotlo tše diswa.. Kgwedi ya go feta re badile ka banenyana ba mengwaga ye lesomepedi bao ba ilego ba humanwa mebileng ba gweba ka mebele ya bona. Lehono re lebeletše mmušo wo moswa gore na wona o tlile go re thuša bjang go kaonafatša seemo se. Go nyamiša kudu go lemoga ge mmušo wa rena woo re o tshephilego o se na moemedi ka ofising ya Mopresidente, yoo a lebanego le go rarolla goba go betla maitshwaro a bafsa bao ba sa golago. Ka gona, re kgona go lemoga gore mmušo wa rena ga o dire go tlala seatla.	Dikereke ke tšona tše di bonwago di leka mo tabeng ye, le ge e le gore go na le baruti bao ba sešego ba gola ka ge ba huetša le go hlatloša maemo ka maitshwaro a bona a go se amogelege. Mohlala ke moruti wa ka Botshabelo yoo a ilego a gataka ditokelo tša botho tša banenyana ba seswai ka go dira tša thobalano ka maiphemelo a go re o a ba rapelela gore ba humane mešomo. Ka go lebelela seemo se, re ka ipotšiša gore naa re ya kae bjalo ka setšhaba ge le baruti ba fetogile diphiri tše di gagolago. Ge re sa humane thušo le banamodi, gona re tlile go ikhumana re fetogile diphoofolo mengwageng ye lesome ye e tlago.

Mohlala 2: Athikele

NTSHEBELE

Labobedi, Polokwane 22 Julae 2009

Dinoinoi tša mmasepala wa Aganang

Pego ka Motubatse Nong

E begwa Vlakfontein

Phadišano e thekgwa ke "Shalom Business Enterprise"

Batšeakarolo ke ba 10

Mothopasefoka ke Lesedi Nkgakile

Yena o ithopetshe disofa tše botse tša mabaibai le boutšara ya R50 000

Ge a ntšha sa mafahleng a gagwe o re o be a sa tshepe le go kgolwa gore a ka ba wa pele ka ge makgarebe a mangwe le ona a be a ntšhitše ka ga tšhwene. O re sefoka seo se mo file mafolofolo a go tsenela diphadišano tša profense, o hutša gore o tla ba mmasebotsana wa ditšhabatšhaba go se go ye kae.

O re toro ya gagwe ke go bona basadi ba Afrika-Borwa ba latela dithuto tše di tla ba beago mmepeng, tše di go naganwago gore mešomo ya tšona e swanetše banna fela.

Bao ba hlotšwego phadišanong ba hlatswitšwe diatla ka tšeke ya R1000 motho ka motho.

4.6 DIKHOLOMO TŠA DIKURANTA

Ke dingwalwa tše di ka ngwalwago ke mongwadi o tee goba ba bantši ka tabakgolo ye e itšego. Sengwalwa se, se ka gatišwa ka kuranteng, makasini goba go babegadikgang ba bangwe le ba bangwe. Dingwalwa tša kuranta di ahlaahla ditaba tše di amago batho goba tše di batho ba ratago go bala ka ga tšona. Sengwalwa seo se swanetše go ama meragelo ya ditiragalo tša bophelo.

Comment [M3]: Align these sentences.
I am unable to do it.

Sengwalwa se swanetše go araba dipotšišo tše di latelago:

- Mongwadi o swanetše go tseba gore o ngwalela mang. Go tloga mathomong o swanetše go tseba ge e ba o ngwalela baswa, batho ba bagolo goba ka moka ga bona.
- Kholomo ga e fapane kudu le dingwalwa tše dingwe tša dikuranta go swana le athikele goba editoriale. Phaphano gare ga tšona ke gore kholomo ga e ngwalwe ke mang le mang. Kuranta goba makasini e nyaka batho bao ba nago le tsebo ka ga tabakgolo ye e itšego, gomme ba ngwala kholomo ka yona. Mehlala:

- Ngaka e kgopelwa go ngwala ka HIV/AIDS le malwetši a mangwe.
- Moruti goba motho wa sedumedi a ka ngwala ka sedumedi le maitshwaro (a batho ka kakaretšo).
- Motho wa dipolitiki a ka kgopelwa go ngwala ka dipolitiki.
- Motho yo a tsebago tša dipapadi a ka kgopelwa go ngwala ka tšona.
- Motho yo a dirilego dinyakiššo mo lefapheng le lengwe le yena a ka kgopelwa gore a ngwale kholomo ka dilo tše di ka kgahlago mmadi ka ga dinyakiššo tša gagwe.
- Mogatiši yo mogolo goba batho, ba ka kgopelwa go ngwala.

Mohlala wa Kholomo ya tša “Dipapadi”

Naledi, Labobedi Aporele 20, 2009

“GO NWEŠA DINO LE GO RAGA DIKGWELE TŠA TOKOLOGO KE SEO DINALETŠANA TŠA AFRIKA BORWA DI SE HLAELLAGO”

Pego ka: Batho Bareng Kekana (BBK)

<p>Ke tshwenyegile kudu ka hlaelelo ya Bafana Bafana ge ba retelelw a ke go nweša dino le go ragela kgwele ka dipaleng ge ba filwe kgwele ya tokologo(<i>free kick</i>). Ke ka baka la eng ba sa ithuti go nweša dino go etša baraloki ba moše-a-mawatle. Ba kae baganka ba kgale ba Maafrika ba ga swana le boMlungisi Ngubane ba go thula kgwele ka hlogo go e lebantšha le dipala? Dikae dinaletšana tša maloba tša “Bush Bucks” tše di bego di raga kgwele ya go swana le banna yeo e bego e fofatša baswaradinong? Nkane Bafana Bafana ba sa tsee malebiša go baraloki ba go swana le “Messi” yo a swarišago baswaradino moy a lefaufaung? boZidane, Ronaldo yoo baswaradinong ba Engelane ba ilego ba tlolela godimo ka lethabo ge a tlolela sehlopha sa Nkane Bafana Bafana ba sa tsee malebiša go baraloki ba go swana le “Messi” yo a swarišago baswaradino moy a lefaufaung? boZidane, Ronaldo yoo baswaradinong ba</p>	<p>Engelane ba ilego ba tlolela godimo ka lethabo ge a tlolela sehlopha sa “Manchester United”, gore bjale ba tla ikhutša go hlwa ba bogišwa ke mogale yo ka go hlwa ba tšhungwa ke dikgwele tša gagwe ge a raga kgwele ya tokologo. Ga ke lebale boTorres, David Beckham, Roberto Carlos le ba bangwe. Ke nako ya gore Bafana Bafana ba godiše naga ka go nweša dino ka nako ya dipapadi tša sebjana sa lefase gore ba tle ba fihlelele phenyo. Baswaradinong ba rena le bona ba swanetše go tsoga borokong ba etše diGoliate tša rena tša maloba tša go swana le boBanks Setlhodi, Henry “Black Cat” Cele, Deshi Baktawer, Peter Balac, William “Cool Cat” Shongwe le Patson “Kamuzu” Banda. Dinaletšana tša rena di swanetše go šomiša nako ye ntši go itšhudulla le go leka bokgoni bja go ragela dikgwele ka dinong go fihlela ba nepa go ka raga thwii ka dipaleng. Afrika Borwa e letile go ka swara mogopo wa sebjana sa lefase, bjale go šetše bona gore ba lwe bjalo ka banna go gapa sefoka.</p>
---	---

4. 7 LENGWALO LA GO YA GO MORULAGANYI WA KURANTA

Sebopego

- Bobedi bja diaterese di ngwalwa ka letsogong la nngele.
- Aterese ya mongwadi e ngwalwa ka letsogong la nngele , kua mafelelong a lengwalo, mola ya mongwalelw a ngwalwa ka godimo.
- Diteng tše kopana le tatelano ya dintlha tša maleba.
- Leina la nnete le ngwalwe , le ge go šomišitšwe leo e sego la nnete, go sego bjalo, lengwalo le ka se phatlalatšwe.

Mohlala 1: Lengwalo la semmušo la go ya go morulaganyi

Mookamedi
The Record
P O Box 134
KAMEELDRIFT
1958
13 Janaware 2009

Morena/Mohumagadi

BOIPONAGATŠO BJO BO FOKOLAGO BJA BATHEKGİ MAPATLELONG A DIPAPADI:

Mengwaga ye mebedi ye e fetilego ke lemogile gore dipapadi tša kgwele ya maoto tša makgaolakgang a sebjana sa Kameeldrift, ga se a thekgwe ke batho ba bantši. Se se nyamiša barati le balatedi ba kgwele ya maoto, le go se hlohlleletša bafsa ba rena go ikgafela dipapading le go tlhompha balaodi ba sebjana seo.

Bothata bo ka ba bo hlolwa ke thelebišene le ditiralo tše bohlokwa tša semmušo tše di diragalago ka letšatši le nako e tee le dipapadi tše, eupša se sengwe se swanetše go dirwa go thibela bothata bjo. Na go ka ba bjang ge mekgahlo ya dipapadi e ka kgopelwa go raloka ka dinako tše go sa bontšhwego ditiragalo tše bohlokwa thelebišeneng? Gape mekgahlo e ka goketša bafsa ka go dira diphadišano tša mehutahuta mapatlelong, go swana le dihlopha tše di ralokago bjaka go bula seširo, bj bj.

Ke tshepho gore bontši bo tla thekga kgopolole maitapišo a ka go oketša palo ya batho mapatlelong le go godiša dipapadi tša rena tša selegae.

'Moagi yo a tshwenyegilego'
Moh. MJ Bokamoso
PO Box 5974
KAMEELDRITF
1958

Potšišo: Ngwalela **Morulaganyi wa kuranta** ya motse wa geno **lengwalo** o tšweletše maikutlo a manyami ka palo ye e fokolago ya batho mapatlelong a dipapadi.

Mohlala 2: Lengwalo la semmušo la go ya go morulaganyi

Morulaganyi
“Capricorn News”
Private Bag X2009
POLOKWANE
0737
12 Setemere 2009

Morena/Mohumagadi

GO GANA KA DIPOELO TŠA BAITHUTI BA YUNIBESITHI:

Ke ile ka tshwenywa kudu ke sengwalwana seo se bego se gatišitšwe ka kgwedi ya Febereware/Dibokwane 12, 2009. Sengwalwa se be se bolela ka moo Yunibesithi ya Bokamoso e gannego go fa baithuti dipolo tša bona tša mafelelo a ngwaga ka ge ba paletšwe ke go lefela tšelete ya dithuto tša ngwaga. Godimo ga moo maina a baithuti bao a ile a phatlalatšwa lenaneong la ba “Credit Bureau”. Tše ke ditaba tša go nyamiša ka ge re phela mo nakong ye e lego gore thuto e bohlokwa mo setšhabeng. Taba ye nngwe ya go kweša bohloko ke gore baithuti ba bantši ba baso ba rakwa diYunibesithing ka ge ba se na tšelete ya go lefela dithuto tša bona. Ke bona go ka ba kaone ge Kgoro ya Thuto e ka rarolla bothata bjo ka go rwala maikarabelo le go ganana le tšhepedišo ya mohuta wo diYunibesithing le dikolong ka bophara.

Ke a leboga.
MP Matlala
MP Matlala
P O Box 1290
SESHEGO
0737

Mohlala 3: Lengwalo le e sego la semmušo la go ya go Morulaganyi:

Soweton, Aporele 22, 2009

GO FETOLWA GA MAINA A DITSELA/MEBILA KE SEŠUPO SA TUMIŠO:

Mmila wo mogolo wa semphetekegofete, wo o fetoletšwego go ba wa *Mandela Drive*, o tloga Soshanguve, wa putlaganya toropo ye kgolo ya Tshwane, go fihla o nwelela ka toropongkgolo ya Gauteng motsemollakoma.

Gore o fetolwe, ke go nyaka go tumiša yo a ilego a ba Mopresidente wa pele wa temokrasi ka nageng ya Afrika-Borwa, gape a bilego Mopresidente wa ANC ka 1992. E be e le letšatši le legolo la go hlomphega ka 2004, ge go be go kgaolwa dithapo semmušo ke Mopresidente wa naga ka ngwaga woo e lego Mma Thabo Mbeki, go bulela tšhomisosemmušo ya tsela yeo. Moletlong woo go be go memilwe

yena mong, Mna. Nelson Mandela le mosadi wa gagwe Graca Machel.

Le ge batho ba bantši ba be ba dumelana le go fetolwa ga mmila wo go la *Mandela Drive*, go be go na le bao ba naganago gore nako ye nngwe le ye nngwe ge maina a fetolwa, bagale bao maina a rewago ka bona ke ba mokgahlo o tee wa dipolitiki, le gona go thwe diprofense ka moka di na le mmila wa *Mandela Drive* moo o setšego o gakantšha batho. Le ge batho ba ile ba tšweletša maikutlo a bona, go bile tshwanelo gore *Mandela Drive*, e be ka ditoropong goba diprofenseng ka moka ka ge tlotlo le tumišo di mo swanela ka lebaka la tema yeo a e kgathilego ka nageng.

Tselo Tharedi

(Modudi ka motseng)

Potšišo: Bjalo ka yo mongwe wa baemedi ba mmasepala ba motse wa geno, o be o le yo mongwe wa baeng bao ba memilwego go ba gona moletlong woo wa pulo ya mmila wo mogolo wa *Mandela Drive*. Ngwalela morulaganyi wa kuranta ya go tsebega ya motse wa geno ka tše o di bonego goba o di kwelego moletlong.

4.8 LENGWALO LA GO TŠWA GO MORULAGANYI: PHOŠOLLOFOKO

Sebopego:

- Mohola ke go sekaseka goba go eletša ka ditaba tša madireng ka go tšoša maikutlo a ngangišano le dipoledišano.
- Hlogo e swanetše go goga mahlo a mmadi
- Temana ya matseno e tsebiše le go akaretša maemo a morulaganyi godimo ga bothata.
- Mmele o tsepelele taba ya ngangišano goba bohlatse bjo bo thekgago seo go boledišanwago ka sona.
- Bogolo bja polelo bo tla laolwa ke batheeletši/baamogedi
- Tilhamo ya mafoko e tla fapana
- Segalo e be se se homotšego, gomme ditaba di lebane thwii le mong
- Ngwala ka motho wa pele- tirwa
- Mafelelo a akaretše ngangišano, gape go ka tliswa tšišinyo/ maele/ tshedimošo.

Mohlala wa lengwalo la go tšwa go morulaganyi: Phošollofoko

Morulaganyi wa mothuti wa Makasini a "Bosele" sekolong se se phagamego sa "Tšweletša Toro" o tutuetša baithuti ka ponelopele ya ngwaga wa 2010:

Bosele, Laboraro, 10 Oktobere 2009

"PELE, KE MO RE YAGO"

2009 ebole ngwaga wo mobotse wa dipolo sekolong sa Tšweletša Toro. Nitha ya mathomo re bile batšea sefoka sa sebjana go tša mabelo magorong ka moka, ra boa ra thopa sefoka ka go tše maemo a pele go tša go routha, ra ba ra kiba ka go ba bathekgi ba ba kaonekaone ba go tutuetša bakgathatema ba rena ka go fiwa sebjana sa gona.

Dipoelo tše ka moka di laetša gore sekolo sa rena se humile ka bokgoni, e sego fela go tša dipapadl, eupša le go tša thuto le setso. Ke a tseba gore bontši ga le rate Kotara ya pele ka ge e le nako ya diphadišano tša mabelo, go routha le mošomo wo montši wa dithuto tše le lebanego le tšona kotareng yeo. Bjalo ka morulaganyi, ke šetše ke lemogile seo, ke ka moo ke le tlisetšago lethabo ka go le hlagišetša ditaba tša go lapolosa le go thabiša ka gare ga Makasini wa Bosele gore le ipshine ka go bala le go lebelela.

Diponagalokgolo tša Kotara ya pele, e bile phenyo ye kgolo, kudu ge re be re ripitlaganya sekolo se se phagamego sa Lesedi ka ge ka moka le tseba gore ke manaba a magolo a rena lehlakoreng le, gobane mengwaga ka moka re be re palelwa ke go tše sebjana le ge e ka ba se se tee. Re be re ekwa bohloko gobane ka mehla ba be ba re feta fela ka nitha ye tee. Ga ke lebale ba tša go routha bao re ba fentšego ka go ba bua lenao ka bodibeng bja mabu a bona.

Ke rata go le leboga ka maitapišo le boikgafelo bja lena ditiragalong ka moka tša ngwaga wa 2009. Bjale ke le tutuetša ke re 'morago ga re sa lebelela'. Re re: 2010 ke rena bao re Fihlile!!

4.9 DITSHWAYOTSHWAYO

Di laetša tše di latelago:

- Maitemogelo a mong
- Ngwala ka motho wa pele
- Lebaka la bjale – (gantši)
- Mahlaodi le mantšu ao a tsošago maikutlo go tšweletša dikgopoloo.
- Mmegi a tšweletše maemo a gagwe le tšišinyo mabapi le ditshwayotshwayo
- Mmegi a tšweletše mahlakore a mabedi (kgahlego/go se kgahlege)
- Tšweletša dintlhakgolo ka boripana.
- seke wa anega ditaba ka moka, šiela mmezelwa go ikgopolela le go ikagela seswantšhokgopoloo seo se tlogo mo šošometša go tšeak kgato.
- Anega ka tsela yeo e ka dirago gore moanegelwa a dume le go holofela go etela/bala/bona/go tsenela moletlo goba tiragalo ya mohuta woo.

Mohlala wa ditshwayotshwayo tša puku

Leina la puku:	Naga ga di etelane
Mongwadi:	MS Serudu
Mogatiši:	Maskew Miller
Ngwaga wa phatlalatšo :	
Mohuta le Tlhamego :	
Moanegwathwadi:	Mphaka.

Ditiragalo ka boripana:

Puku ye e tšweletsa Mphaka bjalo ka mofaladi le mathata ao a mo aparelago ge a le dinageng tša ka ntle. Mphaka o be a le ka tlase ga kgatelelo ya mmuso wa kgethologanyo nageng ya gabu ya Bonwatau. Mphaka o rile go lemoga gore o fetogile lenaba la mmuso wa naga ya gabu, ka ge a be a šetše a gatakelwa le ditokelo tša gagwe tša botho, a bona bokaone e le go tšwa ka difate tša naga ya gabu, ka lehutšo la gore dinageng tša ka ntle o tla amogelwa ka diatla tše pedi, a phela gape le go phediša ba lapa la gagwe. Mphaka o ile a lebana le dihlotloo tša semorafe tše di ilego tša mo dudiša ka šago le tee go fihlela a ineela go boela Bonwatau.

Takone le Mogadišo, Mphaka o ile a galakelwa ke bophelo ka ge a ile a leka go kaonafatša thuto ya moo, eupša ya ba go betha leswika ka hlogo. Ba be ba mmitša ka maina a go swana le motšwabotšo yo a sa boutego gagabo.

Tharollo/ Tšišinyo:

Bophelo bja Mphaka ke bjo re itemogelago bjona ka mehla ka nageng ya rena yeo re rego ke ya Temokrasi gape go buša khutšo. Puku ye e ka balwa ke batho ka moka goba go rutwa ka yona gore setšhaba se tle se holege le go tseba go phedišana le batho ka moka ntle le go ba kgethologanya. Ka morago ga go bala puku ye, ke ile ka thoma go bona bophelo ka lehlakore le lengwe ka ge e ile ya bula monagano wa ka. O hlohleletšwa go bala puku ye, mohlomongwe le wena o ka fotoša mogopolo wa gago mabapi le tshwaro le phedišano ya matšwantle goba bona bafaladi, gobane Sepedi se re "lesogana le le sa etego le nyala kgaetšedi". Inweše ka nkgo, o ikhumanele puku ye.

Comment [M4]: Not clear

Potšišo: Ngwala ditshwayotshwayo tša lenyalo

Mohlala wa ditshwayotshwayo tša koša ya segatiši (CD)

Leina la koša:

Motlhami / Moopedi :

Mohuta wa mmino SeKreste (Gospel)/ Hip-Hop/ RnB/ Kwaito

Morero wa koša: Lerato / Lethabo / Lehumo/ Tlholego / Thuto (Maele)

Ka boripana:

.....
.....

Tharollo/ Tšišinyo:

.....
.....
.....

4.10 BOITSEBIŠOPHELO

Go tšweletšwe tše di latelago ka botlalo:

- Boitsebišo ka mong.
- Tša dithuto.
- Maitemogelo a mošomo/ Tša mošomo
- Ditlošabodutu ka kakaretšo
- Dihlatse

Mohlala wa boitsebišophelo

BOITSEBIŠOPHELO BJA NAMELE NTŠHELELE MOLOTO

KA GA MONG

Sefane: Moloto
Maina : Namele 'Ntšhelele'
Letšatši la matswalo: 14- 05- 1991
Nomoro ya boitsebišo: 910514 0838 076
Aterese: 3065 Bosman Street
Silverton
Pretoria
Nomoro ya mogala: 082 123 4567
Maemo a lenyalo: Ga se ke nyale
Bodulo: Afrika Borwa
Bong: Monna

TŠA DITHUTO

Sekolo sa godimo: Kreiti ya 12
Sekolo: Sekolo se se phagamego sa Bokamoso
Dithutotwana: Mmetse, Saense. Maphele. Sepedi, English,
Dipalopalo, Life Skills.
BA (Education): 2006
Sekolo: UNISA
Dithutwana: Sepedi I, II, III, Mmetse I, II, II, Saense I,II,III
Dipalopalo I, II, Education I, II.

TŠA MOŠOMO

Nako: 2006 go fihla lehono
Lefelo: Tšwelopele sec.

DITLOŠA BUDUTU: Go bala, mmino, boitšhudullo.

DIHLATSE

Mna. PP Mashala: Motlhahlobi wa dikolo

Tel: 015 483 0067
Moh. DD Nkwe: UNISA (Mofahloši) Tel: 012 400 4888

4.11 BOPHELO BJA MOHU

Go tšweletšwe tše di latelago:

- E be bjo bokopana.
- Mohu o belegwe neng, kae, le gore o hlokofetše neng.
- Dithuto tša mohu le mešomo yeo mohu a bego a e dira setšhabeng
- Maemo a lenyalo le bana ba gagwe.
- Bao a ba tlogetšego morago.

Mohlala wa tša bophelo bja mohu

Mohu mohlomphegi Moprefesara Solomon Phihlo Phatake Mminele, ke morwa wa bahu moruti F.L Mminele le mohumagadi D.M Mminele ba kereke ya Lutere ya Ebangedi ya borwa bja Afrika (ELCSA). O belegwe ka la 10 Ngwatobošego/Moranang 1937 ka Dilokong, go la Sekhukhune. O tsene dikolo tša Magalaka le Magabaneng. O ithutetše foromo ya 3 sekolong se se phagamego sa Mokopane- Sefakaola (1956-1957). Borutiši bja Diploma ya sekontari o bo phethile Pretoria Bantu Normal College ka 1959.

Mohu o hweditše mangwalo a a latelago a Yunibesithi: BA (1973) le BED (1979, a tšwelela ka dihlora thutong ya (Fundamental Pedagogics) le Yunibesithi ya a Leboa (UNIN). Go tloga ka 1960 -1974, o rutile dikolong tše phagamego Mokopane-Safakaola, Maripi le Bopedi- Bapedi.O bile hlogo ya sekolo se se phagamego sa Mokoneamabula

(1974-1977), a ba mohlahlobi wa dikolo ka sedikong sa Thabina le sa Bohlabela (1977-1982). Mathateng ao a ilego a aparela Kholetše ya Dr CN Phatudi, o ile a išwa gona go yo boetša seemo sekeng, gomme a tšwela pele go ba morektoro wa magareng wa yona Kholetšeyeo (1982-1984). O ile a hlatošetšwa go ba Mohlahlobimogolo wa moswarela sedikong sa Sekhukhune ka 1985.

Go tše dingwe tša dipuku tše mohu a di ngwadilego ke 'Ngwana wa Mobu' yeo e bilego puku ya gagwe ya mathomo ka 1966, gape ya thopa sefoka sa pele phadišanong ya dipuku tša dipadi lelemeng la Sepedi.

Lebakeng la ge a ithobalela boroko bjo bogolo ka 04 Setemere 2008, o be a sa tšwa go fetša go ngwala sengwalwa se se latelago sa Julia Mashele ka Seisemanne: When Marriage Becomes a Struggle. Se fetogile puku ka kgwedi ya Ngwatobošego/Moranang ngwaga wa 2008.

Robala ka kgotso mogale' a Phakane, Mminašoro, Tau ya Seokodibeng!

4.12 PROUTŠHARA

E laetše tše di latelago:

- E beakanywe gabotse ka go e aroganya/phutha ka diripa tše nne goba tše tharo, le go tseba gore go tlile go ngwalwa eng ka pele, morago le ka mahlakoreng a mabedi.
- Tlhagišo: Hlogo ya taba e tanye mahlo a mmadi gomme ka kakaretšo, setšweletšwa se kgahliše.
- Diswantšho e be tše di tsošago maikutlo a lethabo le phišegelo ya go ikgolaganya le setšweletšwa.
- Tšhomio ya polelo: kgetho ya mantšu e be yeo e nyalelanago le setšweletšwa, gape e jabetše mmadi ge go hlokega.
- Polelo e be yeo e kwešišegago gape e be ya segwera.
- E tšweletše ditaba ka moka tše bohlokwa.
- Seo se bapatšwago e be seo motho a ka kgonago go se fihlelala.

Mohlala 1: Proutšhara

HLOKOMELA DIKWENA!!!	<p>Hlogo...</p> <ul style="list-style-type: none">• O se ke wa rutha bošego.• O se ke wa tlogele bana ba rutha ba le tee.• O se ke wa rutha go feta mollwane woo o beetšwego• O se ke wa rutha o sa apara diaparo tša go rutha.goba ka mmele.• Netefatša gore o rutha le batho ba bangwe, o se be tee.• O se ke wa sepelela kgauswi le lefelo le ge e le bošego• . Netefatša gore mabone• Dira bonnate bja gore o tseba go rutha ge o rutha lefelong le.	<p>Nomoro ya megala:</p> <p>Ofisi:----- Tshoganetšo:----- Sellathekeng:-----</p> <p>Mokgokaganyi: Tebogo Mothuši PO Box 13 Kameeldrift 6798</p>
Seripa sa 1	Seripa sa 2	Seripa sa 3

Mohlala 2: Proutšhara

 <p>IKGANTSHE KA LELEME LA SEPEDI</p> <p>Batswadi/Bahloko medi Ke ka lethabo le legolo go le amogela Lekaleng la go ithuta la Maleme la Sepedi ngwageng wa 2010.</p> <p>Morero wa thuto Maleme: - Baithuti ba swanetše go ithuta bontši bja maleme gore go be le kgokagano go putlaganya mapheko ka moka a maleme. - Kharikhulamo ya Lekala la Thuto le Tlhahlo tše di Tšweletšego (FET) di fa baithuti dibaka tša go hlabolla le go matlafatša tsebo le bokgoni bja go diriša malementši. -</p>	<ul style="list-style-type: none"> - Kharikhulamo ya maleme e tla thuša baithuti gore ba kgone go itebanya le mathata ao ba ka lebanago nao bjalo ka badudi ba Afrika Borwa <p>Tše Baithuti ba tlogo ithuta tšona:</p> <ul style="list-style-type: none"> - Go šomiša polelo ka nepagalo mererong ya go fapafapanana ba šeditše baamogedi ba tshedimošo, morero le dikamano. - Go theeletša le go bala ka go kgoboketša le go amantšha tshedimošo, go aga tsebo, go rarolla mathata le go hlagiša dintlha le dikgopololo. - Go bala le go lebelela ditšweletšwa tša dingwalo ka go fapafapanana gore ba hwetše tshedimošo. - Go ngwala le go hlagiša megopolole dikgopololo tša tšona ka kgohlagano. Go kgonia go godiša kgopololo ya bona ya tlolontšu le go kgonia go bona ka fao mehola le dikamano tša maatla di ikepetšego mo polelong le go lemoga ka fao polelo e ka huetšago ba bangwe. 	<p>Tše di lebeletšwego go tšwa go baithuti:</p> <ul style="list-style-type: none"> - Baithuti ba swanetše go fetša mešomo (Tasks) ye 14 ya ngwaga go tšwa dingwalwaneng tša go fapanana, ba be ba tliše le bohlatsa bja mešomo ka moka go ya le ka moo ba laetšwego ke Kgoro ya Thuto go tšwa go Ditšhupatsela tša go ithuta tša 2008 (SAG) <p>Dikgoba tša mešomo: MALEME:</p> <ul style="list-style-type: none"> - Maleme - Phetolelo - go ruta polelo (Borutiši) - kwalakwatšo - papatšo - Media - Bodiplomate -Dithuto tša molao - Dithuto tša kgokagano 	<p>Tshedimošo ka thuto: Go kwa ditaba ka botlalo ikgolaganye goba o romele i-meile go : Leina: S Koshane Mogala:0124201995 Fekese:0124201314 Sellathekeng:0825729792</p> <p>Atereza ya E-Meile Susan.Koshane@gauteng.gov.za</p>
---	--	---	--

a t

Comment [U5]:

4.13 DIPOTŠIŠOTHERIŠANO/DIPOTŠIŠONYAKIŠIŠO

E laetše tše di latelago:

- Go be le mmotšiši le mmotšišwa
- Dipotšišo di ka lebana le motho yo mogolo setšhabeng, motho wa mehleng goba e ka ba tša sethaka
- Dipotšišo di nepiše se sengwe, mehlala; ge mmotšišwa a nyaka mošomo, go botšišwa ka ga mošomo wa gago, go botšišwa ka ga bophelo bja gago ge o le motho wa go tuma, bjš.bj

Mohlala wa dipotšišollo

RE NWA TEE LE MMANAKEDI MATLALA

Maropeng : Na o ka re nyetlela gannyanne gore o motho wa mohuta mang?

Mmanakedi : Ke mma, sesi, le mogwera wa bana ba ka. Ke ba rata kudu. Ke se ke lego sona lehono ka lebaka la batho bao ba potapatilego bophelo bjaka. Ke dio ba motho wa mehleng. Ke dumela gore Modimo o mpopile ka morero wa gore ke laetše lerato le thekgo batho ka moka nako efe le efe ye ke kgonago.

Maropeng : O belegetšwe kae le gona neng?

Mmanakedi Ke na le mengwaga ye 45, ke belegetšwe mekgotheng ya gaMatlala, motsaneng wa gaMahoai wa go hloka meetse le mohlagase. Ke godile ke dula le bomma,bopapa ba šoma borwa, re be re ba bona gatee ka kgwedi, ka nako ye nngwe ba no bonala morago ga dikgwedi tše tharo.

Maropeng : Bobjana bja gago bo be bo le bjang?

Mmanakedi : Re godišitšwe gabots nna le bana bešo. Nna ke be ke rata go keta diketo, go raloka kgati, go ya dithokolong, dikgalong, mabilong le dithetlweng. Ke gopolā mo pele gagešo go be go na le mogobe. Ge pula e nele, re be re rata go tuntela le go swarela koko Melita matlametlo ka mogobeng, go be go le bose ruri. Re be re ya sekolong re sepela leeto la dikilomitara tše di ka bago 7. Go be go se na le bothata.

Maropeng : Pele o ka bonala thelebišeneng o be o dira eng?

Mmanakedi : Ke bile morutišigadi sekolong sa poraemari sa Rachebole, ge ke le gona fao ba Radio Leboa ba nkgetha gore ke bapale karolo ya go ba moanegwathwaadi go ditshwantšhetšodikgao tše mmalwa fao go bego go hlokega mosadi. Ga se ke makale ka gore go tloga bjaneng bjaka, ke be ke bapala diterama sekolong le kereng.

Maropeng : O nagana eng ka badiragatši ba Afrika Borwa ba ba hlokofalago ba ej a nta ba šeba ka legai?

Mmanakedi : Ga go na motho yo a ka solwago moo. Go tšere nako ye telele go breakanya mekgahlo gore e lwele intasteri ye. Ge moledi wa go gola R1000 a kgona go ba le pholisi, babapadi ba thelebišene ba tla palelwa ke eng?

4.14 POLEDIŠANO YA GO NGWALWA

E tsea sebolepego sa tiragatšo, papadi goba terama ka gore go amega batho ba go feta o tee ka palo bao ba šielanago ka polelo.

Go hlokomelewe dintlha tše:

- Poledišano yeo e kgone go bapalega
- Mmadi a kgone go hwetša sererwa ge a dutše a e bala
- Bakgathatema ba swarelele sererwa
- Ba laetše tsebo ye e tseneletšego ya polelo, go swana le: polelo ya go hlalefetša, dikamano tša maatla, mekgwa ya lephelo, phedišano le setšo mabapi le ditokelo tša botho
- Ba ka šomiša mabokgoni a go rerisana gore go fihlelelw tumelelano
- Go be le matseno le mafelolo a go goga šedi ya mmadi
- Ditšupasefala di laetšwe ka tshwanelo

Mohlala wa poledišano ya go ngwalwa

Mmaphuti: Wena gape mphiwafela ga se wa batšofadi fela mogwera, le rena baswa ge re ka ba le bana ba tla re gopola monna!

Mmatšhwene: Ke a tseba, fela nna nka se dio ba le ngwana ka lebaka la tšelete ya mmušo, le gona ye nnyane so!

Mmaphuti: Ke be ke sa realo *my friend*, ke be ke no re *at least* tše ga e swane le morogo. Motho a ka kgona go hlokomela ngwana ka tšeletiana yeo a e hwetšago.

Mmatšhwene: Heil o reng? Nna ga ke re ba re, malobanyana mo re be re le gabu Mpati re itšeetshe dikgang ka taba ya go swana le ye, wa tseba mokgotse, gape sesi'a Mpule a dio re "Tšelete ya Thabo Mbeki e tlile dinala di fedile, ge nkabe e tle ka nako ya rena, nna ke be ke tlo e raga, ke be nka se tsoge ke kolotisitše piri" Bjale o reng ka seo?

Mmaphuti: Ke tla reng ka gore a šiba re a ba bona thaka tša rena, ge ba bowa motenteng wa bana ba setaela meriri ba reka dipokathe, ba bangwe ba kgona le go reka diselula monna.

Mmatšhwene: Ee, ke nnate kgotse, bjale o a bona gore tšelete yeo ga e hole masea ka selo akere?

Mmaphuti: Ke a tseba. Gape masea a lelwa ke metente ya bo koko'abona, e sego yeo e hwetšwago ke batswadi. O a gopola kgwedí ya go feta re paletšwe ke go gwala *test* ka gore batho ba bane ba ilo golela bana?

Mmatšhwene: Wena, gape ga se bona fela, nna ke kwele le ka *klaseng* ya kreiti 10 ba re mošemanetsoko le yena o ile, o re gape ke ngwanaka, ge ba boa ba e abelana.

Mmaphuti: O se ke wa re mošemanetsoko kgotse ka gore ke a tseba gore o ra mang, a ke re mosadinyana wa gona o tsena le ren?

Mmatšhwene: Mokgotse, wa tseba re a seba, *ene lesebo ga le nyakege*. Gabotsebotse, a re tlogele ditaba tša go ima ka gore di ka se re iše felo, go ima go tla le malwetši a go se fole le mathata a mantši a maikarabelo.

Mmaphuti: O e swere mogwera, ren a sa nyaka go ipshina ka boswa bja ren. Ga re nyake nngwee! mola re swanetše go ngwala *dihomework* le diprotšeke tša sekolo.

Mmatšhwene: Wena! re be re palewe ke go ya *ditrip* tša sekolo, ka gae ba re ngwana o tla šala le mang? (*ba a sega*)

4.15 POLELO YA GO NGWALWA

Go hlokomelwe dintlha tše:

- Matseno le mafelelo a goge šedi ya mmadi, a beakanywe ka tshwanelo.
- Polelo e ka ba ya go hlalefetša, ya maikutlo, bj.bj
- Dintlha di nyalelane, go be le kgopolokgolo.
- Matete ke mothutu yo a atlegilego Yunibesithing ka morago ga thagarago ye
- telele . Bjale o kgopetšwe sekolong sa kgauswi le motse wa gabu go tla go hlohleletša le go tutuetša baithuti ba Mphato wa Marematlou:

Mohlala wa polelo ya go ngwalwa

Ke a leboga Hlogo ya Sekolo ge le ile la mmema go tla go boledišana le baithuti ba sekolo se, bao ebilego e le dikgaetšedi tšaka. Ke dumediša barutiši ka moka le lena baithuti ba ba rategago. Ke thabile ga ba lefelong le.

Ke dumela ka pelo yaka ka moka gore Modimo o re hlokomela ka go re fa bagwera ba go loka. Bagwera ba nnete ba hlabolla boleng bja maphelelo a ren a gore ke bona mothopo wa thekgo le khomotšo ge bopheloa bo re fahla ka ditlhohlo.

Mathomong a ngwaga wo ke ile ka ikhwetša eke ga ke selo ebile ga ke na mohola ka gore go be go se se se lokago bophelong bjaka. Ke kgopetše dipasari le *di-learnership* fela sa le ke bea mokganya phatleng. Ke dikgoba tša mošomo le gona fao gwa se be le nko ye e tšwago lemina. Ka nako yeo lapa la gešo le be le ehwa ka tlala. Botlhoki bja dira gore le lekgarebe la ka le nngwegele ka ge ke be ke sa kgone go mo direla selo.

Mafelelong ka felelwa ke tshepo, ka gopola go re go ipolaya go ka nthola kgwara ye. Kgopolu yaka e sa šila matlabotša bjalo, gwa tsena mokgotse wa ka Tumelo, a lemoga go re ke kgathotše mahlong. Gwa ba pepeneneng gore ke swanetše go mo kgotholela se se mphetšago. Akere mogwera o botšana nae le tša gare ga seatla? Tumelo a no mpotša gore ke bohlokwa mo lefaseng le, ga go na taba gore ke imetšwe gakaakang. Le gona Modimo o ntlišitše lefaseng ka morero, ke se ke ka dumelela mathata a kgaotša morero woo. Le gore mathata a, gabotsebotse ke manamelo a go namelela godimo bophelong.

Metsotswana ye ke bilego le Tumelo, ya fetola tebelelo yaka ya bophelo. Ntlhaponelo ya ka ya bophelo e fetogile kudukudu. Ka gopola gore mehlare le yona ge e le marega e nyaka meetse le lesedi la nnete gore e gole. Le rena re hloka bagwera ba potego go re hlabolla le go re kuka menagano gore re fihlelele ditoro tša rena.

4.16 PEGO YA GO NGWALWA

Comment [M6]: Caps (consistency)

Pego e swanetše go laetša tše di latelago:

- Boithekgoo/ bokamorago bja pego.
- Diteng tše lebanego thwii le tabakgolo.
- Diteng di akaretše dikgopolokgolo le dikgopolotlaleletšo.
- E tšweletše matseno, mmele le bofelo.
- E laetše kgodišo ya tatelano ya dikgopolu.
- Dintlhakgolo di ngwalwe ka tsela ya dintlha.
- E ngwalwa ka lebaka le le fetilego.
- Tšhomisopolelo ya maleba
- Retšistara le segalo tša semmušo.
- E laetše ditšhišinyo
- E laetše bohlatse bjo bo kgodišago bja dinyakišišo go akaretša dipoledišano/polelotherišano tše di swerwego.

Sebopego

- Hlogo ya taba
- Dihlogwana di ngwalwa ka maletere a magolo.
- Moamogedi/mongwadi le aterese ge go hlokagala(E ya go/E tšwa go)
- Tšatšikgwedi/ Ditumedišo(Ge go hlokega)
- Tšweletšo/Mafuri
- Dinyakišišo/Tharollo le ditšhišinyo
- Leina le boitsebišo la mmegi/ Mosaeno
-

Mohlala :Pego ya semmušo

HLOGO: LENANEOTIRAGATŠO LA GO HLWEKAFATŠA LEPATLELO

E TŠWA GO: S. Mutolo (SRC- leloko la tša Bosetšhaba)

E YA GO : Modulasetulo wa Lekgotla la badudi ba *Zone 5*

LETSATSIKGWEDI : 14/11/2009

TŠWELETŠO

Bjalo ka bakgathatema ba baagišane ba motse wa *Zone 5*, baithuti ba sekolo se se phagamego sa Molopo ba ile ba kgopelwa go tšweletša projekte. Mokgahlo wa SRC, ka morago ga dipoledišano tše ditelele, o ile wa dumela go tsepelela godimo ga lepatlelo le le lego kgauswi le Sekolo se se ka fase sa Radebe.

TŠE DI HWEDITŠWEGO

Ga bjale lepatlelo leo ga le šomišwe. Le šetše le fetogile legae la mapotlelo ao a thubilwego le thothobolo ya dišila. Bjang ke bjo bo telele bjoo bo hlolago kotsi ya leuba la mollo. Didirišwa ka moka tša go raloka di robegile. Dipankana ka moka di utswitšwe.

DITŠHIŠINYO

1. SRC e tla akaretša baithuti ka moka go hlwekafatša lefelo le.
2. Sekolo se tla šomiša motšhene wa bona go ripa bjang.
3. SRC e tla lokiša le go penta didirišwa tša lepatlelo bjalo ka meswinki le tša go relela.
4. Go tla kgoboketšwa tšelete ya go reka dipanka tše di swa.

MAFETŠO/THAROLLO

Re holofela gore badudi ba *Zone 5*, ba tla amogela le go thuša ka protšeke ye ya go hlwekišetša baagišane le badudi.

Mosaeno: Mutolo So
Mongwaledi

Kgwale B
Modulasetulo

5. DINGWALWANA TŠE KOPANA

5.1 PUKUTŠATŠI

Pukutšatši ke puku yeo go yona go tšwelelago matšatši a beke le maina a dikgwedi tše lesomepedi tša ngwaga. Ka go yona go ngwalwa dilo tšohle tše motho a swanelago ke go di dira mo lebakeng la letšatši ka letšatši, beke ka beke, kgwedi ka kgwedi goba bjalo bjalo. Maikemišetšo a go ngwala ka gare ga pukutšatši ke gore motho a se ke a lebala dilo tše a swanetšego go di dira goba tše di diregilego.

Ka gare ga pukutšatši ya gago o ka ngwala ditaba tše di go amago maikutlo, di amago bophelo bja gago, ditoro tša gago, dikgang ka bagwera ba gago goba ditaba tše e lego sephiri go wena. Ke ka moo dipukutšatši di nago le dinotlelo. Eupša ka tlhahlobong ga go ngwalwe ditaba tša diphiri.

Dilo tše di atišago go ngwalwa ka gare ga pukutšatši ke tše di latelago

- Tšatšikgwedi.
- Ngwaga.
- Dinako- go ya ka ditiragalo.
- Iefelo
- Ditiragalo tša letšatši/matšatši/beke/kgwedi.
- Ngwala ka motho wa pele
- Polelo e be ya segwera

Hlokomela: Šomiša dibopego tša go fapana tša go ngwala pukutšatši, mohlala: O ka e ngwala ka mokgwa wa temana bjalo ka lengwalo la mogwera o laodiša ka botlalo ka ditiragalo tša letšatši tša pukutšatši ya gago.

Mohlala wa pukutšatši ya ditiragalo tša letšatši

Mokibelo, 30 Ngwatobošego/Moranang 2009

Ke ile ka ya go bona Morena Nong e sa le mesong gore a nthuše ka dithuto tša Mmetse. Mosegare ke ile ka ya mabenkeleng le mogwera go ya go reka Pokathi ye mpšha ka ge mantšiboa ke tlile go ya moletlong wa Letšatši la Matswalo a mogwera. Ga se ke ipshine ka go bogela fešene mabenkeleng ka ge ke be ke šila ke hlatlegile, go feta moo e be e le semphe te ke go fete ka ge e be e le mafelelo a kgwedi, mang le mang a tlile go phetha melato le go ithekela se le sela pele ga ge šelengnyana yeo a e swerego e fela.

Ke bile le letšatši le le botse kudu ka ge ke ile ka re pele letšatši le dikela ka kitimela lepatlelong go itšhidulla ka papadi ya thenese.

Mohlala wa ditiragalo tša Beke

Matšhe 2009

LABOHLANO 24

- Re fihlile Kapa ka iri ya bošupa mesong.
- Mathapama re ikhuditše ra ya go etela palamente moo re boneng Mopresidente yo mofsa wa naga, Mna Jacob Zuma.
- Mantšibua re ya go bona papadi ya kgwele ya maoto lepatlelong la *Green point* magareng ga sehlopha sa *Ajax Cape Town le Pretoria university*.

MOKIBELO 25

- Re tsogile mesong ra ya Waterfront moo re llego dijo tša mesong gona
- Go tloga moo re ile Robben Island.

LAMORENA 26

- Re etetše Cape Point
- Mathapama re etetše Cape Town National Museum

MOŠUPOLOGO 27

- Re etetše Cape Town International Airport
- Re etetše mašemo a go dira beine.

LABOBEDI 28

- Re etetše mabenkele a Kennelworth e sa le mesong, ra reka tšeо re bego re di nyaka.
- Re tlatile Kapa go boela gae ka iri ya bobedi mosegare
- Re fihlile gae ka iri ya senyane.

Potšišo: Sekolo sa lena se be se tšere leeto la thuto la matšatši a mahlano, go ya Kapa. O be o le yo mongwe wa bao ba tšerego leeto. Re ngwalele ka botlalo ditiragalo tša **pukutšatši** mabapi le leeto leo.

Mohlala wo mongwe

Aporele 2009

Mokibelo 02

- 6H00: Ke swanetše go leletše Mokgadi mogala
7H00: Ke swanetše go yo tsenela kopano ya Lekgotlakemedi La Baithuti.
9H00: Ke swanetše go fetše mošomo wa gae.
11H00: Ke swanetše ke ye go bona ngaka ya meno, gomme a hlatswe meno aka.
13H00: Ke swanetše ke fetše mošomo wa gae.
15H00: Ke swanetše go bona papadi ya *Kaizer Chiefs le Orlando Pirates*

5.2 POSKARATA

Ela hloko tše di latelago:

- Tšatšikgwedi
- Nako
- Lefelo
- Morero
- Retšistara le polelo e be tša maleba
- E be ka gare ga lepokisana
- Fonte ya maleba

Sebopego:

Ka morago	Ka pele
Ditumedišo	Tšupabodulo
XXXXXXXXXXXXXXXXXXXXXXXXXXXX	_____
XXXXXXXXXXXXXX	_____
Molaetša	_____
_____	_____
_____	_____
_____	_____
_____	_____
E tšwa go:	_____
_____	_____

5.3 PAPATŠO

Hlokomela tše di latelago papatšong:

- Hlogo ya papatšo.
- Fonte ya go fapana.
- Go bapetšwa eng?
- Tshedimošo ka botlalo mabapi le setšweletšwa
- seo se bapatšwago
- E kwalakwatšwa kae?
- Morero wa papatšo.
- Mmapatši o diriša polelo ya go goga šedi ya bareki/babadi.

Mohlala wa Papatšo ya mošomo

DINTLHA KA GA GO ŠOMELA BOKGABO BJA GO DIRAGATŠA SEFALENG

Dikhwalithi tše o di hlokago

- swanetše go iphsina ka go šoma le sehlopha ka gore o ka se kgone go dira mošomo wo ntle le sehlopha sa go botega, sa maikemišetšo gape sa go ba le mabokgoni.
- swanetše go ikemišetša go šoma le ba lapa le bagwera ba iketlile ba ipshina ka se le sela.
- swanetše gape go ikemišetša go sepela maeto, seo se ka bonala e le monate mathomong fela ge nako e dutše e eya, o tla kwa o se sa rata.

Matlalo

- Dithuto tša theknikhale tša go betla, tše o ka ithutelego tšona go *Construction Education and Training Authority (CETA)* di ka ba le mohola.
- Arts cape yeo e hwetšwago Cape Town ke *theatre* e le noši ye e nago le lenaneo la mengwaga ye mebedi la go ruta borathekniki, fao o ka ithuta mabokgoni a go swana le go laola sefala, mabone, modumo, go beakanya moago, go bapala piano, le go bala mmino.

Mogolo

- Tefo ya gago e laolwa ke mašeleng ao a beakanyeditšwego sethlagišwa seo.
- Dihlagišwa tše dikgolo di lefa R8 000 ka kgwedi, goba go feta fao mola tše nnyane di lefa R2 000.

Mešomo ye o ka e kgethago

O ka ba molaodi wa sefala, theknišene ya mabone goba modumo le moagi goba mohlami wa sehlopha.

Tshedimošo

O ka hwetša tshedimošo ka boitlalo go:

Ikgokaganye le ba: Artscape, nomorong ye: 021 410 9803

CETA, nomorong ye: 011 265 5900 goba o ka ba hwetša go website ye:

www.ceta.org.za

E ngwathilwe, ya fetolelwya ya ba ya agwa lefsa go tšwa go Drum; 13 August 2009 # 880

Mohlala wa papatšo

LETŠA GA TEE FELA

KE MOKA KE PHETHO!

Ge o nyaka Inšorense ya sebakanyana se sennyane ka se sengwe le se sengwe go tloga go setulo go iša go mabone a diforeimi tša mabaibai a go fegwa godimo tšhirahlakeng/silini, gona ikgokaganye ka mogala le ba Inšorense ya potego ya '**RE ŠETŠE RE FIHLILE**' go **08 600 60 000**.

Yo mongwe wa bathuši ba rena wa segwera o tla be a šetše a fihlile go go thuša ka bjako.

5.4 MAPHEPHETSEBIŠI

Hlokomela tše di latelago:

- Go be le hlogo ya seo go tlo go tsebišwa ka ga sona.
- Go be le tshedimošo ka botlalo.
- Taetšo ya letšatši, lefelo le nako ge di nyakega.
- Go be le morero.
- Retšistara ya maleba

Sebopego

- Hlogo ya maatlakgogedi
- Dikgopolokgolo tše di hlathollago kgopolokgolo
- Fonte ye kgolo
- E kgabišwe
- E be ka gare ga lepokisi

Mohlala wa lephephetsebiši

KERESEMOSE E BOSE!

DILO DI WELE! O SE KE WA HLAELWA! DIJO KE MPHIAFELA!!

Ipshine ka matšatši a maikhutšo a Matswalo a Morena, ka go etela lebenkele la Matšiphisana o ikhumanele dijo ka theko ya fase fase.

Boloka tšelete o humane tše di latelago ka theko ya fase...

5L ya makhura a go apea ka 45.00
5Kg ya nama ya kgogo ka 59.00
10Kg ya bupi ka 35.99

O tla humana kae gape ditheko tše fase bjale?

E TLA KA PONYO YA LEIHLO DILO DI A FELA!

Comment [M7]: Caps (consistency)

5.5 PHOUSTARA/ POSTARA

Hlokomela tše di latelago:

- Hlogo e ngwalwe ka ditlhaka tše kgolo
- Molaetša o be ka mokgwa wa dintlhha/ temana
- Molaetša e be wa maleba
- Retšistara e be ya maleba.

**Phoustara ya go jabetša/go ithekiša/go goketša baamogedi
ba tshedimošo:**

'A RE ITOKOLLENG' KE MOKGAHLO WA GAGO!!

DIKGETHO TŠA MMASEPALA DI FIHLILE

**KE NAKO YA GORE LENTŠU LA GAGO LE KWAGALE
KA DIKGETHONG TŠEO**

**O SEKE WA JABETŠWA KE MEKGAHLO YEO E
NYAKAGO KGETHO YA GAGO, MOLA BA SA GO TLOŠE
BODIIDING. BOKAMOSO BO KA ATLENG TŠA GAGO.**

**BATHO KA MOKA BA KGETHA "A RE ITOKOLLENG",
KGETHA MOKGAHLO WA BOHLE, KGETHA MOKGAHLO
WA GAGO!**

**E TLA LEPATLELONG LA 'RE BOHLE', KA LIMPOPO,
MOO RE TLA BEGO RE GO SOLELA TŠE BOSE TŠA
MOKGAHLO WO!**

TŠATŠIKGWEDI: 4-7 Mei 2009
NAKO : 8H00-16H00

**"A RE ITOKOLLENG"
E na le wena ka mehla!**

Potšišo: Thala postara/ phoustara yeo o tlogo go goketša bontši bja batho go tsenela dikgetho tša bommasepala, le go boutela mokgahlo wa gago.

5.6 DITŠHUPETŠO

Hlokomela tše di latelago:

- Moithuti a laetše monabo ka dikelometara/dimetara go ntlha ka ntlha.
- A dire seka sa kakanyo ya monabo le diswantšwana tša dikai tša mafelwana ao go bolelwago ka ona.
- Kelo ya monabo e be ya maleba.
- Go ka dirišwa dikhuttonne (mohl. bodikela, leboa, bj.bj.)
- Maswao a tsela, meago, maporogo le tše dingwe.
- Go lebelelwe bokgoni bja go laetše ditšhupetšo.
- Retšistara ya maleba.

Sebopego

- Lepokisi
- Hlogo
- Pontšho ya maswao

Mohlala wa ditšhupetšo

GO DIRA SETHALWA

Matome o tsena sekolo sa Mogoshi seo se lego dikelometara tše tharo go tšwa gagabo. Ge a etšwa ka gae o feta kereke ye kgolo ye tšhweu ka letsogong la go ja, gona fao o be a sepetsé dimetara tše lekgolo fela. A sepela dimetara tše makgolohlano pele a feta lebenkele la go rekiša diphahlo. A sepela gape leeto la dimetara tše makgološupa pele a ka hwetša leswao la ema. Gona fao a phamogela ka letsogong la nngele a sepela kilometara pele a humana pompi ya phaphapha. Ka morago ga dimetrara tše makgolohlano a thoma go bona kgoro ya go tsena sekolong sa gabon. Se se ra gore Matome ge a thoma go bona kgoro ya go tsena ka sekolong, o tla be a šaletšwe ke dimetara tše makgolopedi gore a gate kgoro yeo

5.7 DITAELO

- Tša mo kae?
- Mabapi le eng?
- Di tšwelela ka mokgwa wa ntlha ka ntlha goba hlalošo ka temana.
- E be tše di kgonagalago
- E be tša malebana le lefelo, gammogo le babamogedi ba tshedimošo.

Mohlala wa ditaelo

GO APEA SEŠEBO – MOROGO WA MOKHUŠA

Ditlabakelo tša go apea

- Ditamati tše nne tša go butšwa
- Eie ye tee, e kgabeletšwe
- Pherefere ye hubedu, ya go tšwa mohlareng
- $\frac{3}{4}$ ya komiki ya meetse a go bela
- 30ml ya makhura
- $\frac{1}{4}$ ya teelepolo ya letswai
- $\frac{1}{4}$ ya teelepolo ya kheri
- 500ml (Dikomiki tše pedi) tša morogo wa mokhuša

Mokgwa

- Šomiša thipa ya bogale go kgabelela ditamati mme o di bee ka sekotlelwanieng.
- Tšhela makhura le dieie ka pitšeng mme o di gadike ka mollo wa magareng.
- Tšhela morogo ka komiking ye e nago le meetse a a bedilego.
- Ge dieie di thoma go ba boleta ebile di bontšhetša, tšhela ditamati, kheri, letswai le pherefere ka pitšeng ya eie. Di tlogele di kgabakgabe metsotso ye mehlano.
- Tšhela morogo mmogo le meetse ka motswakong wa tamati. Anke di kgabakgabe metsotso ye 8 pele o ka tloša sebešong.

Se jelwa ka bogobe bja mmidi/lehea, lebelebele/leotša goba bja mabelethoro
Sešebo seo se ka lekana batho ba bane.

5.8 KARATA YA TALETŠO/ MEMO

Sebopego

- Leina/maina a bamengwa
- Tšatšikgwedi ya moletlo
- Nako
- Lefelo
- Morero
- Retšistara le polelo e be tša maleba
- E be ka gare ga lepokisana
- Fonte ya maleba.

Mohlala wa karata ya taletšo

TALETŠO YA PULO YA SEMMUŠO YA SEKOLO

Ka boikokobetšo, o kgopelwa go tla pulong ya semmušo ya sekolo se seswa se se phagamego sa LESEDI. Sekolo se amogetše thušo ya go agelwa diphaphoši tše seswai ke mmušo wa Canada.

Moletlo o tla swarelwā ka Seshego, gona moo go lego moago wa kgale, ka di **12 Janaware/Pherekong 2010**, ka iri ya lesome mesong.(10:00)

Re ka thaba kudu ge le ka kgona go tla moletlong wo bohlokwa wo.

Phetolo ya go tsenela moletlo (RSVP) e ka dirwa pele goba ka di 30 Nofemere 2009. Nomoro ya mogala: 012 347 0987.

Mohlala wa karata ya go se amogelete taletšo

Ke manyami go se amogelete taletšo ya gago mogagešo, ya go tlo keteka moletlo wa pulo ya sekolo se sefsa ka la **12 Janaware 2010**.

Ke be ke šetše ke na le morerwana wa ka lapeng wo o ntšhitisago go tla ka letšatši
leo,gobane e le kgale lelokišeditšwe.

Lethabo Matlala
1936 Mmila wa Sebatakgom
Kimberly
1021

5.9 GO TLATŠA DIFOROMO

SEKOLO SE SEGOLO SA BAPEDI

Mokotlana wa poso x 2044, polokwane, 2745

**Mogala: (015) 3822211 Fekese: (015) 3823963
bapedi.hs@gmail.com**

Kgopelo ya sekgoba sekolong

TSHEDIMOŠETŠO YA MOITHUTI

Sefane :	Matlala
Maina ka botlalo:	Mokgadi Selaelo.
Matswalo:	12 Pherekong 1992
Bong:	Mosadi.
Meraloko :	Kgwele ya matsogo, Tenese, Marabaraba, Mabelo
Malwetše:	Bolwetši bja mafahla, Hlogo ye kgolo, Bolwetši bja go wa,
Sekolo sa pele:	Sekolo se se phagamego sa Makgatho
Mogala :	012 665 8332
Kereiti :	Mphato wa 12
Dithutwana:	Mmetse, Sepedi Leleme la Gae, Seisemane, Saense, Theknolotši,Tša Mapheho,Histori.
Atereze ya kua gae:	12 Mmila wa Sebatakgomo Mamelodi Bohlabela 0122

TŠEO O ITHABIŠAGO KA TŠONA: Go bala dimakasini le kuranta, go roka, go lebelela diswantšho paesekopong, go raloka dipapadi tša ka ntlong

BATSWADI GOBA BAHLOKOMEDI

Tate

Sefane :	Matlala
Maina ka botlalo:	Malesela Lesiba
Mošomo:	Moruti
Mogala wa mošomo:	012 801 7133
Atereze ya mošomo:	Kereke ya Baptist, Mmila wa Tsebanang, Pretoria, 0001
Mosaeno:	Malesela Lesiba
Tšatšikgwedi:	25 Nofemere 2009

Mma

Sefane:	Matlala
Maina ka botlalo:	Mapula Lerato
Mošomo:	Morutiši.
Mogala wa mošomo :	011 998 4630
Atereze ya mošomo :	Sekolo se se phagamego sa Lesedi, Mmila wa Khutsong,Limpopo, 0156
Mosaeno :	Mapula Lerato
Tšatšikgwedi:	25 Nofemere 2009